



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Traffic

Broj: 04-04-33229-18/21 KM  
Sarajevo, 26.12.2021. god.

## SKUPŠTINA KANTONA SARAJEVO SARAJEVO

### **PREDMET: Odgovor na „Zastupničku inicijativu“**

U prilogu dopisa dostavljamo Vam odgovor na pokrenutu zastupničku inicijativu na 41. Radnoj sjednici Skupštine Kantona Sarajevo održanoj dana 13.09.2021. godine, a od strane zastupnice Danijele Kristić.

#### **Pitanje:**

"Na inicijativu kluba vijećnika Naroda i Pravde Hadžići obraćam Vam se u vezi problema sa prijevozom učenika, sa kojim se susreću stanovnici općine Hadžići, a kojim su najviše pogođeni učenici.

Naime, od početka tekuće školske godine, učenici OŠ "Hilmi ef. Šarić" Tarčin, koji su nastanjeni u naselju Budmolići, Gornja Bioča, svakodnevno pješace do škole koja je udaljena gotovo 5 kilometara. Najveći broj učenika koji koriste gradski prijevoz dolazi upravo iz ovih naselja oko 150 osnovaca i srednjoškolaca.

Molimo Vas da, shodno svojim mogućnostima, obezbjedite autobus za prijevoz učenika, koji bi saobraćao na relaciji Budmolići – Tarčin, a koji bi ujedno koristili i ostali stanovnici. Podsjećamo Vas da je i željeznička linija koja je nedavno uspostavljena, uspostavljena samo do Pazarića, dok su stanovnici Tarčina i okolnih naselja nepovezani i željezničkim saobraćajem.

Iskreno se nadamo da ćete u što skorijem roku pronaći rješenje i uveliko pomoći našim učenicima i njihovim roditeljima."

#### **Odgovor :**

Na osnovu pokazatelja o angažovanosti vozila KJKP "GRAS" d.o.o. Sarajevo za područje Općine Hadžići kao i većeg broja upućenih akata od strane građana, škola i lokalnih zajednica, o ne održavanju registrovanih redova vožnje, između ostalog i za liniju broj 78 Tarčin - Budmolići, 21.09.2021. godine zatraženo je od prijevoznika KJKP "GRAS" d.o.o. Sarajevo da se očituje u pogled održavanja registrovanih redova vožnje.

Vlada Kantona Sarajevo je donijela zaključak broj 02-04-34485-6/21 od 17.09. 2021. godine o ugeženosti obavljanja komunalne djelatnosti javnog linijskog prijevoza putnika na području Kantona Sarajevo, to jest da je došlo do prekida obavljanja većeg broja linija, te je naložila Ministarstvu



saobraćaja da postupi u skladu sa članom 44. "Pravilnik o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo".

Uslijed nedostatka voznih jedinica prijevoznik KJKP "GRAS" d.o.o. Sarajevo je aktom broj 11675 od 30.09.2021. godine obavijestio Ministarstvo da trenutno ne može održavati 11 autobuskih linija, te je za te redove vožnje angažovan drugi prijevoznik „Centrotrans“ d.d. Sarajeva, a za linije sa područja Općine Hadžići je potvrdio da će preraspodjelom vozila iste održavati pa i liniju broj 78 Tarčin – Budmolići.

S poštovanjem,

Dostaviti:

- Skupština Kantona Sarajevo
- Vlada Kantona Sarajevo
- evidencija
- arhiva



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

